



NAVOIY VILOYATI TOMDI TUMANI HOKIMINING QARORI

210800, Tomdi tuman, Yangi Tomdi qo'rg'oni, tel: (79) 582-13-13, fax: 582-13-22, e-mail: tomdi@nv.uz

2023 - yil 1 - may

31-5-75-Q/23

Tomdi tumani hokimligi

O'zbekiston Respublikasi Prezidentining 2023-yil 11-apreldagi "O'zbekiston Respublikasi Mudofaa vazirligi huzuridagi Jamoatchilik kengashi faoliyati samaradorligini oshirish chora-tadbirlari to'g'risida"gi PF-49-sonli Farmoni ijrosini ta'minlash haqida.

O'zbekiston Respublikasi Prezidentining 2023-yil 11-apreldagi "O'zbekiston Respublikasi Mudofaa vazirligi huzuridagi Jamoatchilik kengashi faoliyati samaradorligini oshirish chora-tadbirlari to'g'risida"gi PF-49-sonli Farmoni ijrosini tashkil qilish hamda O'zbekiston Respublikasi Mudofaa vazirligi huzuridagi Jamoatchilik kengashining ijobiy tajribasini e'tiborga olgan holda uning faoliyati samaradorligini oshirish, harbiy xizmatchilar va ularning oila a'zolari, shuningdeq harbiy pensionerlarni har tamonlama qo'llab-quvvatlash, ularning ma'naviy-ma'rifiy saviyasini yuksaltirish, o'sib kelayotgan yosh avlodni harbiy-vatanparvarlik ruhida tarbiyalash ishlarini kuchaytirish maqsadida,

QAROR QILAMAN:

1. O'zbekiston Respublikasi Prezidentining 2023-yil 11-apreldagi "O'zbekiston Respublikasi Mudofaa vazirligi huzuridagi Jamoatchilik kengashi faoliyati samaradorligini oshirish chora-tadbirlari to'g'risida"gi PF-49-sonli Farmoni ijro uchun qabul qilinsin.

2. O'zbekiston Respublikasi Prezidentining mazkur Farmoni bilan quyidagilar:

a) O'zbekiston Respublikasi Mudofaa vazirligi huzuridagi Jamoatchilik kengashining yangilangan tarkibi va O'zbekiston Respublikasi Mudofaa vazirligi huzuridagi Jamoatchilik kengashi to'g'risidagi nizom tasdiqlanganligi;

b) Jamoatchilik kengashining asosiy vazifalari etib quyidagilar:

mudofaa va harbiy sohada olib borilayotgan islohotlar, fuqarolarning huquq

va erkinliklari hamda qonuniy manfaatlarini ta'minlash bilan bog'liq eng dolzarb masalalarga oid jamoatchilik hamda xalqaro hamjamiyat tomonidan bildirilgan takliflarni, fikr-mulohazalarni har tomonlama tahlil qilib borish, ijtimoiy so'rovnomalarni, jumladan axborot-kommunikasiya texnologiyalaridan foydalangan holda o'tkazish;

davlat organlarining nodavlat notijorat tashkilotlar, ommaviy axborot vositalari va fuqarolik jamiyatining boshqa institutlari bilan samarali hamkorligini ta'minlash uchun Mudofaa vazirligi fuqarolar bilan bog'lab turuvchi "ko'prik" vazifasini bajarish;

harbiy xizmatchilar va ularning oila a'zolarini – huquqiy jihatdan himoya qilish, uy-joy, tibbiy hamda boshqa ta'minot turlari bilan ta'minlash, xizmat o'tash shart-sharoitlarni yaxshilash, bo'yicha tegishli dasturlarning bajarilishini kompleks tahlil qilishda ishtirok etish, ushbu dasturlarning amalga oshirilishi yuzasidan samarali jamoatchilik nazoratini o'rnatish;

harbiy xizmatdan rezerv (zaxira)gab bo'shatilgan fuqarolarning ijtimoiy va professional moslashuvi hamda bandligi bilan bog'liq masalalarni hal etishda bevosita ishtirok etish;

mudofaa va harbiy qurilish, shu jumladan Mudofaa vazirligi faoliyatiga oid normative-huquqiy va boshqa hujjatlar loyihalarini (davlat sirlariga oid, foydalanish doirasi cheklangan hujjatlar va ma'lumotlar bundan mustasno) ishlab chiqish, ularning jamoatchilik va ekspert-mutaxassislar muhokamasidan o'tkazilishini tashkil etishda Mudofaa vazirligiga yaqindan yordam kursatish;

fuqarolarni muddatli harbiy va muqabil xizmatga chaqirish, safarbarlik chaqiruvi rezervi xizmatiga olish tadbirlarini tashkil etish, shuningdeq harbiy qism (muassasa)larda sog'lom ma'naviy-ruhiy hamda yuksak axloqiy va madaniy muhit, qonuniylik huquq-tartibot, yuksak axloq va madaniyat saqlanishini ta'minlash borasida olib borilayotgan ishlar samaradorligini oshirishga qaratilgan takliflar tayyorlash va Mudofaa vazirligiga kiritish;

yoshlarning faol hayotiy pozitsiyasi, Ona Vatanga sadoqat, uning taqdiri va ravnaqi uchun daxldorlik hissini kuchaytirish, ommaviy madaniyat, axborot-psixologik xurujlarga qarshi milliy mafkuraviy immunitetini mustahkamlashda davlat va jamoat tashkilotlari hamda fuqarolik jamiyatining boshqa institutlari bilan o'zaro hamkorlik qilish;

davlat va nodavlat tashkilotlar, oila, mahalla institutlari, ta'lim tashkilotlarining yoshlarni vatanparvarlik istiqloq g'oyalariga sadoqat ruhida tarbiyalash, o'z fuqarolik burchi va majburiyatlarini vijdonan bajaradigan, O'zbekiston Respublikasini himoya qilishga qodir barkamol shaxs etib tarbiyalash

borasidagi aniq maqsadli ishlarni muvofiqlashtirib borishda ishtirok etish;

Mudofaa vazirligi (harbiy okrug, harbiy qism (muassasa)lar qo'mondonliklari), jamoat tashkilotlari va fuqarolik jamiyatning boshqa institutlari bilan birgalikda chaqiruvga qadar yoshlar va harbiy xizmatchilarning tarbiyaviy va ma'naviy-ma'rifiy tayyorgarligini tashkil etish;

yoshlarda va harbiy xizmatchilarning milliy g'ururini mustahkamlash, ularda faol hayotiy pozitsiyani, Vatan mustaqilligini va xavfsizligini ta'minlash uchun shaxsiy mas'uliyat hissini mustahkamlash;

hududiy bo'linmalarining faoliyatini tahlil qilgan holda, har bir a'zoning ish samaradorligini baholab, kelgusida ularni faoliyatini takomillashtirish yuzasidan tavsiyalar ishlab chiqish;

hududiy bo'linmalar faoliyatini harbiy qismlarning (muassasalarning) joilardagi davlat va jamoat tashkilotlari va fuqarolik jamiyatning boshqa institutlari, ta'lim tashkilotlari, jumladan "Temurbeklar maktabi" harbiy-akademik liseylari, "Vatan tayanchi" bolalar va o'smirlar harbiy-vatanparvarlik harakati bilan uzviy hamkorligini ta'minlashga yunaltirish;

fan, madaniyat va san'at nomoyondalari hamda Mudofaa vazirligi faxriylari ishlari bo'yicha kengashlarni jalb etgan holda o'quv-tarbiyaviy, targ'ibot-tashviqot, ma'naviy-ma'rifiy va tashkiliy-amaliy tadbirlarni o'tkazishda harbiy qism (muassasa)larga uslubiy va amaliy yordam ko'rsatish;

mahalliy va xorijiy ommaviy axborot vositalarida O'zbekiston Respublikasi Qurolli Kuchlarida amalga oshirilayotgan islohotlar, mamlakat xavfsizligi, hududiy yaxlitligi va chegaralar daxlsizligini ta'minlash masalalariga doir materiallarni e'lon qilish orqali samarali tushuntirish va targ'ibot ishlarini tizimli asosda amalga oshirish belgilanganligi ma'lumot ushuncha qabul qilinsin.

3. O'zbekiston Respublikasi Mudofaa vazirligi huzuridagi Jamoatchilik kengashi Tomdi tumani hududiy bo'linmasining yangilangan tarkibi ilovaga muvofiq tasdiqlansin.

4. Tuman hokimining 2017 yil avgustdagi "O'zbekiston Respublikasi Prezidentining 2017 yil 23 avgustdagi "O'zbekiston Respublikasi Mudofaa vazirligi huzuridagi Jamoatchilik kengashi faoliyatini takomillashtirishga doir qo'shimcha chora-tadbirlar to'g'risida"gi PQ-3234-sonli qarori ijrosini ta'minlash to'g'risida"gi Q-306-sonli qarori o'z kuchini yo'qotgan deb hisoblansin.

5. Mazkur qarorning ijrosini nazorat qilishni o'z zimmasida qoldiraman.

Tuman hokimi



K.Aldabergenov

Tomdi tuman hokimining
2023 yil 1 maydagi
31-5-75-Q/23-son qaroriga
1-ilova

**O`zbekiston Respublikasi Mudofaa vazirligi huzuridagi Jamoatchilik kengashi
Tomdi tumani hududiy bo`linmasining yangilangan**

TARKIBI

- 1.A.Dospanbetova Tuman hokimi o`rinbosari, oila va xotin-qizlar bo`limi boshlig`i
- 2.A.DJumamuradov Yoshlar ishlari agentligi Tomdi tumani bo`limi boshlig`i
3. M.Bazarbaev tuman maktabgacha va maktab ta`limi bo`limi boshlig`i
4. O.Madenov tuman kambag`allikni qisqartirish va bandlik bo`limi boshlig`i
5. K.Beknazarov tuman adliya bo`limi boshlig`i
6. L.Bayanasov tuman Nuroniylar jamoatchilik kengashi raisi
7. M.Norkulov tuman tibbiyot birlashmasi bosh shifokori.
8. J.Utemuratova tuman madaniyat bo`limi boshlig`i
9. M.Samatov Respublika Ma`naviyat-ma`rifat markazi Tomdi tuman bo`limi rahbari
10. A.Eshjanov Kasaba uyushmalari Federasiyasining Tomdi tumani bo`limi raisi
11. N.Jalg`asbaev "Mahalla" XJF ning tuman bo`lim raisi

Izoh: Jamoatchilik kengashi a`zolari boshqa ishga o`tgan taqdirda, uning tarkibiga ushbu lavozimga yangidan tayinlangan yoki tegishli funksiyalarni bajarish zimmasiga yuklangan shaxslar kiritiladi.